



## BRANCH YMA EXECUTIVE MEETING NEIH A NI

Branch News

*Chanmari West October 13 :* Ni 15.11.2011 (Thawhleh) zan khan Branch Executive Meeting Tv.Lalrinmawia, CH-Section te in ah neih a ni a, he meeting ah hian 2012 hruaitu thlan hun leh khawtlang pawimawh dang rel a ni.

Meeting ah hian committee hmasa leh tun tum committee inkara hmalakna hrang hrang Secretary hnen atangin ASEP atanga kan Branch YMA-in Chawimawina Nopui (Dekchi 20") leh Citation kan dawn leh RD Department atanga Step Checker tile phah rawng hnawina tur sum kan hmuha hmalak tawh te ngaihthlak a ni.

Kum 2012 atana Branch hruaitu (OB) turte thlanna chu Ni 13.12.2011(Thawhleh) zan dar 6:30 hian Chanmari West Primary School-ah neih nise tih rel a ni. He inthlan buaipui tur hian heng mite hi ruat an ni.

R.O :- Pu Lalbiakzuala,  
Vice President, CYMA  
P.O's :- 1. CWBYMA Advisers.  
2. Local Council Members.

Nomination atan hian Branch Executive member zawng zawngte leh dan bu in a sawi angin Floor nominate mi 3 aia tam lo an ni ang.

### SUNNA K.Lalengmawia(1959 - 2011)

**+** Pu K.Lalengmawia hi Pu K.Hmingliana (L) leh Pi Suakiani te fa pariat(8) zinga parukna(6) niin Ni 19.5.1959 khan Sihfa-ah a piang a. Kum 1967 khan Sihfa atangin tuna an chenna ah hian an rawn pemthla a ni. Kum 1982 khan Pi Zohmingthangi D/o Khamthanga (L0 nen hian inneiin fa panga(5) mipa 2 leh hmeichhia 3 an nei a ni. A pa Pu K.Hmingliana hian kum 2005 khan a lo boralsan tawh a, tunah hian a nu Pi Suakiani ho in Khuangchera Section ah an khawsa mek a ni. Pu K.Lalengmawia hi zirna lamah chuan High School a zir zo lova. Kut hnathawk mi niin tuizem siamin

Central YMA General Secretary in kan Branch atanga CYMA Sub-Committee peng hrang hrang a member awm tur ruat tura min rawn tih angin heng mite hi ruat an ni.

- 1) Kumpuan Sub-Committee member tur atan :- Pu.Lalchhanhima 'K'
- 2) Sport Sub-Committee member tur atan :- Tv.Zairemmawia 'N'
- 1) Culture Sub-Committee member tur atan :- Pu.V.L.Thakima 'V'

Kumdanga kan lo kalpui thin angin kumin Krismas leh Kumthar hun ah kan vengchhung a lo thianghlima mipui ten hlim taka he hun kan hman theih nan Section tinte Ni 17.12.2011 atanga Ni 3.1.2012 chhung hian tlawmngaia duty leh nise tih rel a ni bawk.

Sum enkawltute hnen atangin Zawlbul sak mek chhunzawmna atana Public contribution kan khawn zat ` 3,91,800/- a nih thu ngaihthlak a ni a, tlawmngaia petu zawng zawng chungah Committee chuan lawmthu a sawi takzet a ni.

workshop te pawh hmun 2 laiah a nei a ni. Kohhran lamah Salvation Army niin Chanmari West Corp. pawh hi tuna an chenna in atang hian a lo piang tawh a ni. Kohhran in tih tur a tih reng rengah tlanchhe ngailo leh phak ang tawk tawk a inhmangin a hun a lo hmang thin a ni.

Ni 19.11.2011(inrinni) khan Section Intuaitharna (Outing), West End, Lengpui-ah neiin vanduaithlak takin Accident avangin min boralsan ta a ni.

Khawtlang mawhphurhna ah chuan YMA hruaitu hun rei tak lo ni tawhin a boral tleng hian Section hruaitu hna pawimawh tak a chelh mek a ni. Hetiang ang mi YMA thil tihna kawng hrang hranga sulsutu pawimawh tak leh taima tak kan chan hi Chanmari 'W' Branch YMA chuan a ui in a sun takzet a ni.



Ni 13.12.2011(Thawhleh) zan khian kum 2012 chhunga kan Branch YMA hruaitu turte thlanna neih tur a nih avangin,hemizan hi chuan pawldangte programme lo siam lo hram turin kan in ngen e.



Ni 18.11.2011 khan Indoor-ah Roll Hearing neih a ni a, YMA hruaitute duty a ni.



Section hrang hrang ten intuaitharna leh intihhlimna kan neihah,nuam taka hmang turin leh kan thupui 'Khawtlang nun siamthat'tih hrereng turin kan in ngen e.



Kum 2011 chu kan hman zawh hnaih tak avangin,Chhiatni Fund, YMA Aw man leh YMA chanchinbu man leh Zawlbul Fund la ti fel lo Section te chu a ranglama tifel vat turin kan in ngen e.

### LUSUN KHAWHAR

Kan Member Pu PC Lalhmingsanga (26) S/o Sangthangi 'V' Section chu Ni 13.11.2011(12:00noon) khan a boral a, a kalsan tak a chhungte CWBYMA chuan a tawrhpu tak zet a ni.

### PEM LEHKHA

Heng mite hi vengdang atangin kan vengchhungah an rawn pem a, mi tha tak an nih ka beisei.

1. Tv Joseph Lalhmingthanga te unau, Lawngtla III atanga rawn pem, Pi Lalziki 'T' Section te In ah.

2. Pu T.Zothanmawia te chhung, Ratu atanga rawn pem, Pu Malsawmkima Pachuau(L) 'T' Section te In ah.

3. Tv.R.Malsawmtluanga, Serchhip, Kawnpui South atanga rawn pem, Pu R.Pakunga 'T' Section te In ah.

### TUNKAR CHANGVAWN

| Pathianin hlauhna thlarau min pe lo | va, thiltihtheihna leh hmangaihna leh | rilru fel tak neihna thlarau min pe | zawk si a.

II Timothea 1:7

**Editorial Board**
**Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv. Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir. Manager**

Johny Lalthanpuia  
9612359161

Jacob Lalrinsanga  
9612319779

**Production Manager**

R.Lalhmachhuana  
9436151817

**Branch Office Bearer**
**President**

T.Ngurkhuma  
9436190843

**Vice President**

R.Lalhmachhuana  
9436151817

**Secretary**

RL.Thanhnuna  
9436152760

**Asst. Secretary**

K.Darthantluanga  
9436196071

**Treasurer**

C.Lalzarliana  
9436142049

**Fin.Secretary**

Lalthuamluua  
9612216649

**Advisers**

Pi Zamanthangi  
Pu Vanlalsawma

Pu Rothuama

Pu Lalbiakthanga  
Khiangte

*Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5*

**Editorial :** Krismas leh Kumthar vuakvet baww vela kan khawtlang a lo him zawk nan leh thlamuang taka mitinin he hun kan hman theih nan Br.YMA chuan Section tinte mahni section huam chhungah duty leh turin a ngen leh ta . Hetiang hi kumtina tih thin niin tlawmgaiin pavalai leh tlangval te an duty thin a. He kan duty hian rah tha pawh a chhuahin vengchhunga eng engemaw sualna a tawm phah nasa thin hle reng a ni. Hetihlai hian vengchhunga buaina leh harsatna a lo awm palh hian nu leh pate pawhin mawh nasa tak kan phur a ni tih hria ila, heng awmlo tur chuan kan fate kan khuahkhirha kan enkawl that a pawimawh hle a ni.

**Article : KAN RAM LEH HNAMIN YMA-TE MIN AU**

-Lalchungnunga

Kan rama Association hrang hrang sangthum chuang awm zinga Mizo zawng zawng huap p^wl awmchhun chu YMA hi a ni. Kristian missionary-te leh ringtu hmasaten an lodin, p^wl ropui leh zahawm hi Mizote t^n rohlu a tling a ni. YMA mamawh lo khawpa haus a leh milian an awm theiin ka ring lo. Amite hmanga Pathian in a din a nih miau avangin nang leh kei tel lo pawh hian a kal mup mup zêlang. Politics chirh intheh tawnna boruakin a tihchhiat kan phaltur a ni lova, eng party leh p^wl mah an inrawlh kan phal tûr a ni hek lo. He p^wl zahawm hruaitu apiang di a dintu hian a phatsan ng^i lova, a hruai zêl \hin a ni.

He p^wl hian he ram leh hnam tan hian agenda pawimawh tak a neia, chu chu a chhe lai siam\hat a ni. Kan khawtlang nunah nunze m^wi chauhnilo, chhiatpuitham nunze m^wi lo a awm ve tlat avangin, a m^wi lai inzirtiuura, achhelaisiam\hathna kanthawh a ngai a, chumi thawk theitu chu YMA memberte kanni.

October ni 11,2011 zing dar 8 velah Baptist kohhran nu pahnih, Lungsen ami leh Lunglei ami inthlahrung takin an lo lêng a. Ka luchunga kut nghatin reitakan \awng\ai a, an \awng\ai zawh chuan "Aizawlah kal ula, mi 3 hnenah ka thuchah hi an beng bul ngeiah va hrilh rawh u", Pathian in mintia, 3 zinga pakhat chu Central YMA President hi i ni. Pathian thudahchu heramhiantunaveithamaangaih loh, hnawksak tham leh ngaihawh thamaa ngaih lohte hialachhiatpuingei d^wna, chumi vêng tur leh he hnam tungding tur hian YMA hi hmanraw pawimawh in ni, inti chak ula, he ram leh hnam chhan turhian ding tlat ang che u'tiin an thu dawn chu min rawn hrilh a ni. Chaw ka eitir d^wn a, a upa zawk, (kum 65 vel) chuan chaw a b^r thei ta lo. Alu chunga kut nghata \awng\ai turin min ti a. "Lalpa, ka pîte hi i rawn tirh nge, tu tirh nge ka hre lo, nasataka i hming lamin an au si che a, thudik min hriattirta che"tiin ka \awng\ai ve a, nilêng inkarilru-ahanawma, kan ram dinhmun nen inmilin ka hre ve tlat a, ka ringhlel lo.

Kan ram leh hnamah hian a \ha lam tam tak a awm a, a \hate chuan a chhe lama min hnuhdawn lohavangin achhelamin achhe leh zuala min hruai zel loh nan leh \an laka \ul si zia kan hriat chian theih nan tun hunah hian a thim z^wngin ngaihtuahna kan hmang a ni. Kan ngaih leh kan mamawh avanga kan koh luh ni lo, Tuikukho hi kan zingah an awm rei veta hle mai. Hnam sual leh huaisen tak an ni ngaih lova, mizote min zah a, keini pawh hian kan l^wm riau-a, fiamthu-ah Tuikuk thufing kan nei \eh mai. Hruaitu tl^ktl^i lo an neih t^k avanga mahni inbum chawp a kan ram tlan chhuahsan, lo luh leh duh si, chhuanlam eng eng emaw siam chawpa harsatna siam reng an ni a, min zah talo hle mai. R^wng tak tak 20 chuang min thah tawh hnu pawhakan

la ngawi reng hi (i) Pathian thu kan ^wih êm v^ng nge? (ii) Kan hlauh v^ng nge? (iii) N^ kan tih loh v^ng nge? (iv) Kan ngaihsam v^ng? Rilru tina êm êm \hintu chu a vun v^r lehavun h^ng, kan rama Burmamite chanchin zir chianga lo kal \hinten YMA te min k^wm tel ziah a, thil \ha lo rawn tawh luh chingte kan huatthu leh \ha taka awmte chunga kan ngilneihzia kan sawi \hin chunga Mizote (abiktakin YMA te) nasa taka an demthu an ram an thlen hnu a an sawi/ziak leh \hin hian. Tunhnu-ahthudik kan hrilhawh lova, and^wt sawi an pawm z^wk a nih chuan hêng ho hilo kawm chi ni tawh lova kei chuan ka ngai. Ram hausate laka tl^ktlum duh av^nga kan \hatna haidera, d^wt phuah chawp hmanga min hêk sim thei lo khawchhak mikhuall ch^mreite leh rawn leh\ng \hintehian Mizoram hi hrehawm an ti a, sual min ti a nih takzet chuan chhuahnad^rkan vuakhmahan thlawn chhuak rang teh se.

Kan Conference thurêl bawhzuiin kan rama hnamdang dan lo leh phalna nei lova sumd^wngte firmkhurtakin kan endik a, Vai tumah kan hau lova, an bungrua engmah kan khawih lo chungin "YMA ten Vai d^wr an suasam, kut an thlak" ti-a d^wt hmanga inti lung^wi lo chawpin September ni 19,2011 khan Mizote d^wta min puhtu Vai p^wl hrang hrang 35 lain Silchar-ah kawng an zawh an hka. Kan chêt dan hrechiangtu an mi leh sa, Aizawla awmten thudik an hrilh chungin an ^wih duh lo. An sum hn^r kan ni chungin kan lakah \hatan tum thei lova, \hatna rêng an nei duh lo. Min tihhawk tute beih nan hian Nuchhimichhungten Hmuichukchuridûni-nu chunga phuba an l^k dan kha i entawn ang u.

Mizo nunze mawi hrang hrangte uar taka inzirtirhar zêlturte, kan khawtlang nuna a chhe lai siam\hat hna \hahneungai taka thawk tur leh hnamdang tentihchhiattumanasa taka an beih mëk chhanturin nang, Mizonula, nang pawh Mizotlangval i ram leh hnam hian RING TAKIN a au ta che a ni.

(He thu hi CYMA President kalchhuak ta Pu Lal Chungnunga'n YMA Gen. Conference, Kolasib a thu a sawi atanga laka ni.)

## TAITESENA

**Memberte hnena hriattirna:-** Ni 2.12.2011(Zirtawp) hian Liando Picnic Spot-ah Section memberte pualin intihhlimna hun hman tum a ni a, he hun a kal tum te chuan Section hruaitute hnenah Ni 27.11.2011 ral hmain Rs 20/- pe a hming ziah luh tur a ni. Hming pe lut lo te chu kal theih a ni lovang. Member 50 tal kan tlin loh chuan hruaitute bila he hun hi hman a ni ang. Tin, he hunah hian YMAAW semtute leh mithi buhfai khawntute tel vek turin an inhriattir bawk.(Pawisa thawh ve an ngai lovang).

**Pu K.Lalengmawia,** Khuangchera Section hruaitu chuan hun lo taka a boral chu pawi an tiin a kalsan tak a chhungte an tuarpui takzet.

**Khua a thal chho leh ta a,** chhungtinte kangmei laka fimkhur theuh turin an in ngen.

**Nikumah Section faiber kan ni a,** kumin ah pawh kan nih leh theih na turin chhungtin te i tangrual ang u. tin, kawngpui kama dawr nei ten bawlhhlawh Side Drain-a pah mai lovin bawlhhlawh bawm-ah chauh i pah thin ang u.

**Chhiatni Fund hi Rs. 50/- aia tlem lova khawn tur a ni a, mahni bial theuhah thahnemngai taka khawn tur leh hemi rual hian Zawlbuk Fund la pe kim lote a theih anga khawn leh nise.**

## KUANGCHERA

**Ni 18.11.2011(Zirtawpni) khan Section Member-te pualin intihhlimna hun West End Picnic Spot-ah an hmanga, an haw lamah Motor chesualah an hruaitu hlun leh Section khaiding thin tu Pu K. Lalengmawia'n vanduaina tawkin a nunna hial a chan phah a, pawi an tiin a kalsan tak a chhungte an tuarpui hle, hetiang mi khawtlang tana mi inpe leh inphal an chan hi Section hruaitute leh member ten thinlung takin an ui hle a ni.**

**Section-in harsatna an tawh chungchangah vengchhung mipuite chungah lawmthu an sawi, a tul anga lo buaipui a, kuang mawi tak siamsak tu Sairang Branch YMA te chungah lawmthu an sawi bawk a ni.**

**Chhiatni Fund hi Section huam chhungah khawn mek a ni a, thahnemngai taka khawn zel turin hruaitute an ngen a, Section huamchhunga nu leh pa te pawhin thehnemngai taka lo pe turin an ngen.**

## NEUVA

**Karleh Inrinni khian Section Member intihhlimna/outing K.P Resort, Sihhmui-ah neih tum a ni a, kal tum zawng zawngte chuan ` 50 leh buhfai no-2 kengin Pu Lalthanruma, Pu Vanlalhluta, Pu Henry Lalremruatpuia leh NL Lalramengi te hnehah ni 23.11.2011(Nilai) zan ral hma ngeia in pek tur a ni.**

**Neuva Section Website siamsaktu leh hruaitute Internet course a tlawn a zirtirtu Pu Lalchhandama, Merge Computer Centre chungah lawmthu an sawi. Website tlawh duh tan [www.Neuva Section.com](http://www.Neuva Section.com) ah tlawh theih a ni e.**

**Kum 2011 chhunga Section tlawmngai ber Mipa/Hmeichhia Neuva Award dawngtu tur 9774569327-ah ni 24 ralhma ngeiin vote theih a ni a, section member Phone nei zawng zawng te vote tlak theuh turin an in ngen.**

## VANAPA

**An Member Pu P.C Lalhmingsanga'n hunrei tak a damloh hnu a a boralsan chu pawi an tiin a chhungte an tuarpui takzet.**

**Ningani Zan khan Pu Zairemthanga, Asst Leader inah Committee neih a ni a, OB incharge Pu C.Lalzarliana'n tel puiin fuihna thu tha tak tak a sawi.**

**An hruaitu Tv Zohmingliana nu an inbulah che sualin Civil Hospital ah enkawl mek a ni. An Secretary hlui Pu VL Chhandama pawh in lamah a inenkawl mek.**

**Electoral Roll Revision neih mekah Zirtawpni khan Section aiawh in Pu T.Sangkhuma, Treasurer Pu Lalfakawma Comm't member leh Pu R.Lalmalsawma Br. Exe. Member te an duty.**

**Pu Jonathana ten naute duhawm tak an nei thar.**

**Pu Jimmy Vanlalhruaia damdawiin atanga a rawn chhuah thuai an beisei.**

## CHAWNGBAWLA

**Pu K.Lalengmawia, Khuangchera Section hruaitu chuan hun lo taka a boralsan chu pawi an tiin an tuarpui hle.**

**Section member thenkhat zan lama kawng kawipui bawr vela mawi lo tak rui chunga khawsa thin an awm chu pawi an ti hle, an sim loh chuan an hming nen YMAAW-ah chhuah**

(CH-Section Report chhunzawmna)

an ni ang. Tin nu leh pa te pawh kan fate a theih ang anga khuahkhir turin an ngen bawk.

**Section huam chhungah Chhiatni Fund khawn mek a ni a, chhungtin ten he kan indaihlohma hi hrethiam a, thahnemngai tak a lo pe thin turin an ngen, Section hruaituten a rang lama khawn fel turin an in chah bawk.**

**Kawngpui dala Motor dah thin ten midang te harsatna a thlen hma a, dah tawh lo turin an ngen.**

**Section a lo thianghlima a lo nawm lehzual theih nan chhungtin ten bawlhhlawh pah mai mai lo tur leh bawlhhlawh pah motor-ah chauh pah thin turin an ngen.**

**Section member-te YMA activities ngai pawimawh leh zual turin an ngen, heng khawhar in kal, khawhar in riah, thlan laih leh mithi buhfai khawn te hi YMA member tena kan tih tur a nih angin thahnemngai taka ti hram hram turin memberte an ngen a, hruaitute pawh memberte entawn tlaka awm tur leh nundan te fimkhur turin an in ngen.**

## CWSC NEWS

## Volleyball Sub-Committee :-

**ADVA Winter Tournament khelh zawh takah Final lutin final ah hian Hlimen nen an inkhel a, vanduai zawka tangin pahnihna an ni.**

**Tournament chhuah theihna turin heng mite hian ` 500/- theuh an thawh a, an chungah lawmthu an sawi takzet.**

C. Lalzarliana CH

C. Zonunsanga T

C. Lalthanzuala T

Vanlalhluta N

Israel-a V

P.C. Lalriatpuia V

Vanlalruata T

**An Asst. Secretary Thangsuanmanga'n nupui tha tak a nei chu an lawmpui hle.**

## ZCC NEWS

**Chanmari West Branch YMA-in C.M Trophy a Dress hak sukfaina tur ` 1000/- lai a pe chu an lawm hle.**

**An hruaitu Tv. Lalmalsawma pa Pu N.K Siama accidentavanga Durtlang Hospital-a awm leh, an Asst. Secretary Tv. Zohmingliana Tlau nu Pi Lalzemi accident avanga Aizawl Civil Hospital a awmte chu dam taka an lo chhuah leh ngei an duhsak hle.**

**Song & drama Bill pawh Guwahati atangin dawn fel a ni.**

## KUM DIK TAK SAWI A THA

Mizote hi kum kan nghah hle a. Kan pian kum dik tak bakah hian, School kum, Ration card kum, driving licence kum, Service kum leh infiamna kawnga khelhna tur a zira kumte etc. kan nei a. Hei hian thui takin kan zia a tarlang a ni. Heti tak maia mi pakhat pawhin kum kan nei hrang nuaih mai hi eng emaw laklawh thil leh tihsual palhte chu lo awm ve bawk mah se, a tam ber hi chu hre reng chunga kan tih sual luh, kum kan ziah danglam avanga ham thatna kan hmuu theihna tur emaw a ni tlangpui thin. Hei hian mahni hmasial kan nihna a tarlang a, Mizo hnam lo la awm zel turah zirtirna tha lo tak tuhin, rah chhe tak a chhuah mek niin alang a ni.

Thil danga kan rinawm leh rinawm loh chu thu dang ni se, kan kumah pawh kan rinawm loh chuan thil danga rinawm tura in zirtir leh inbeisei chu a harsa hle ang. Tunah pawh hian sorkar hnathawk zingah an kum an ziak dik loh avanga pension hun tawh tak si, service la ngah viaute pawh eng emaw zah an awm. Tam tak chu hre reng chunga tilui an ni ang a, tamtak erawh a ziaktuten duhsaknaa ngaia an lo tihdanglamsak leh an ni pawhin a pawina leh pawi lohna pawh hre chuang lo va an lo pawm liam ve mai maite pawh a awm bawk ang. Indem vak hleihtheih a nih loh laiin a dem awm ber lai chu hre lo va lo tisualtute pawhin an hriat tawh hnuah tal chuan tidik ta sela, a dik lo tih hre reng chunga pawm tlat hi a dik lo lian ber chu a ni zawk.

Infiamna chungchangah pawh tun hma atangin kum bithliah awm ang chiah kan fair lo hle tih chu infiammite hi a hre chiangtu ber an ni a. A bul atanga dik lo taka ti chunga thianghlim taka infiamna kalpui tum hi chu tui nu thal fim tum ang deuh chauh a ni. A thal tur ber a nut miau chuan a thalna lam chu eng pawh hmang ila a nu sa tawh hrim hrim. Dik tak leh fel taka ti tur chuan a to bul a dik a ngai. Kum bithliah awmah kum dik lo kan inhnim phum avanga lawmmman pakhatna lakte hi thil zahthlak a ngaih tur a ni dawn lawm ni? Exam-naa entawna pass a, pakhatna hial nih hi a ropui a zahawm em ni, hengte nen hian engnge a danglamma? Heng kum dik lo chunga kan teltirte rilruah hian engnge kan tuh a, engnge kan zirtir? Thil tha leh hmasawnna kawngah an rilru a hruai miah lo vang. Eng ang pawhin lo puitling se, pawisak neih lohna, sorkar dan leh hraite palzut hreh lohna leh mahni inthiam tlatna kan tuhsak dawn a sin. Infiamna kawngah pawh hian lawmmman latute an ropui a, chawimawi an phu em em laiin, dik loh avanga lawmmman laksak leh ngai nihte hi thil zahthlak leh mualpho thlak, infiamma khawvel titawptu a tling.

Mizote hian kan zir tur pawimawh tak chu khawiah awm ila, eng pawh ti dawn ila, kan kum zat dik tak nih ngam hi a ni. Kan kumin min hnawl a nih chuan hnawhchhuah kher kan nghak tur a ni lo, mahnia inthiarfihlim ve mai tur a ni. Mahni nih lohna puia lan ropui ai chuan mahni nihna ang anga lan ngam hi a ropui zawk. Hei hi kan hmasawnna pawimawh ber pawh a ni.

(He thu hi Article awm tho mahse tunlaiin Under 17 leh Under 13 Football tournament khel turin kan inbuatsaih mup mup bawk nen, thahnemngaih thil ah ka han thai lang hram a ni e. Editor.)

### ELECTION NEWS

Election Commission of India tuhpekk angin Dt. 18.11.2011 zing dar 10:00 atangin kum tling thar te leh correction/ transfer dilte tan hearing neih a ni a. Hetiang hi chanmari west vengchhung voter thar neih belh dan a ni:-

Chanmari West I	Voters 106
Chanmari West II	Voters 69
Chanmari West III	Voters 132
<b>TOTAL</b>	<b>307</b>

Electoral Roll hi mipui ten kan ngaih pawimawh em em rualin tun ai hian la ngei pawimawh thei ila a tha hle ang. "Khua leh tui dik tak nihna a ni si a."

### C. LALMUANKIMA

Designate Officer  
Chanmari West II

### KEIMAHNI

P u K . L a l e n g m a w i a ,  
Khuangchera Section hruaitu chuan khawtlang tana rawng kan bawl ho laiin hun lo takin min boralsan a, a kalsan tak a chhungte Editorial Board-in kan tuarpui hle

### KID'S DEN PRE SCHOOL, NURSERY DAY CARE AND AFTER SCHOOL CARE

January 2012 atanga tan turin Kid's Den-ah Admission hawn a ni ta. Naupang PSYCHOLOGY, GROWTH and DEVELOPMENT trained chhuak, B.Sc Nursing in a enkawl dawn a, Teacher te pawh Trainee mek an ni. Thla inkar danah DENTAL leh MEDICAL checkup neih sak ziah an ni bawk ang. Tin, After School Care -ah hian School Naupang Class I-VIII School banah Home Assignment leh Tuition mumal tak (Parental Care) pek an ni ang. DAY CARE (Nau awmna) tih tel bawk a ni. Zawt chiang duh tan a hnuai Address-ah hian zawhfiah theih reng a ni e.

Ph - 8794026603

A Hmun : Chaltlang Venglai,  
(5-6)

D. Lalthlengiani Building

### HETAH HIAN SMS LA

>>8794162539<<

Chawngbawla Section Kawipui bawr velah hian zanah Tlangval rual enge an ruih pawh hriat loh hi an thu khawm fo mai leh kawng kal te lo tih buai ching an awm hi YMA lam pang hian han khap teh u, a bul hnaia mite tan an ninawm ta hle mai.

**961231\_79**

T-Section Leader te kawm chhaka in sa te hian Chanmari West khawtlang hi an va zah lo ve, vantlang zunin zar duai-in inchung an chhunga chu mai bakah Side Drain hnawh khawpin Setp an siam lehngthal a, YMA leh Local Council lamte khan hmalak ngaihna in hre lovem ni.

**961212\_00**

YMA leh KTP member-te hian kan vengchhungah hian kan inkawm hlim thei ta lo a mi? Picnic tih vel hi kan uar ta riau mai. Thil tha ber a va ni lo em!!!

**943614\_31**

YMA te hian Chhiatni Fund khawn belh hi inthlahrung suh u, khawtlang tana in thawhna hi ka thlawp reng che u a nia.

**977231\_78**

Kumin hian kan vengchhungah mithi kan ngah hle mai, nula tlangval te in fakawm hle mai, Chanmari West veng mi nih a nuam thin e.

**986211\_35**

Krismas a hnai leh ta hle mai a, thlamuang tak leh nuam taka Krismas leh kum thar kan hman theih nan YMA ten tan han la leh teh u, zurui leh buaina siam hi an phu tawk a hrem ni zel rawh se, YMA tang fan fan.

**961276\_99**

Chanmari West sawi chhe tute chu vengdangah pem mai rawh se, an tel lo pawn kan veng a nuam ka ti tho, kan veng a lo nawm a, a lo thianghlim theih nan theihtawp i chhuah tlang ang u, zu leh ruih hlo i do zel bawk ila.

**961210\_25**

(SMS kan dawn te hi Ed. Bd ngaihdan a ni vek kher lo)